

四庫全書

集部

欽定四庫全書

御定全唐詩錄卷四十八

韓愈

三

古體詩

三

城南聯句

竹影金瑣碎

郊

泉音玉淙琤瑠璃翦木葉

愈

翡翠開園

英流滑隨仄步

郊

搜尋得深行遙岑出寸碧

愈

遠目增

雙明乾穠紛柱地

郊

化蟲枯揭莖木腐或垂耳

愈

草珠

競駢睛浮虛有新斲

郊

摧抗饒孤撐囚飛黏網動

愈盜

卓接彈驚脫實自開坼

郊

牽柔誰繞縈禮鼠拱而立

愈

駭牛躅且鳴蔬甲喜臨社

郊

田毛樂寬征露螢不自暖

愈凍蝶尚思輕宿羽有先曉

郊

食鱗時半橫菱翻紫角

利愈

荷折碧圓傾楚膩鱸鮓亂

郊

獠羞螺螄并桑鰭見

虛指

愈

穴狸聞鬪猓逗翳翅相築

郊

擺幽尾交榜蔓涎

角出縮

愈

樹啄頭敲鏗修箭裏金餌

郊

羣鮮沸池羹岸

殼坼玄兆

愈

野薌漸豐萌窰煙幕疏島

郊

沙篆印迴平

瘁肌遭蚝刺愈 啾耳聞雞生奇慮恣迴轉郊 遐晷縱逢

迎巔林戢遠曉愈 縹氣夷空情歸跡歸不得郊 捨心捨

還爭靈麻撮狗蟲愈 村稚啼禽猩紅皴曬檐瓦郊 黃團

繫門衡得雋蠅虎健愈 相殘雀豹趙東枯樵指禿郊 刈

熟擔肩頰澀旋皮卷鬢愈 苦開腹彭亨機舂潺湲力郊

吹簫飄颻精賽饌木盤簇愈 鞞妖藤索絳荒學五六卷

郊 古藏四三瑩里儒拳足拜愈 土恠閃眸偵蹄道補復

破郊 絲窠埽還成墓堂蝙蝠沸愈 破竈伊威盈追此訊

前主

郊

答云皆冢卿敗壁剝寒月

愈

折筮嘯遺笙桂熏

霏霏在

郊

綦跡微微呈劍石猶竦檻

愈

獸材尚挈楹寶

唾拾未盡

郊

玉帝墮猶鎗牕綃疑閼豔

愈

妝燭已銷榮

綠髮抽珉甃

郊

青膚聳瑤楨白蛾飛舞地

愈

幽蠹落書

棚惟昔集嘉咏

郊

吐芳類鳴嚶窺奇摘海異

愈

恣韻激

天鯨腸胃繞萬象

郊

精神驅五兵蜀雄李杜拔

愈

嶽力

雷車轟大句幹玄造

郊

高言軋霄崢芒端轉寒燠

愈

神

助溢杯觥巨細各乘運

愈

湍濶亦騰聲凌花咀粉葉

郊

削縷穿珠櫻綺語洗晴雪愈嬌辭哢雛鶯酣歡雜弁珥

郊繁價流金瓊茁苔寫江調郊姜蕤綴藍瑛庖霜膾玄

鯽愈浙玉炊香稷朝饌已百態郊春醪又千名哀匏感

駛景愈列唱凝餘晶解魄不自主郊痺肌坐空曠扳援

賤蹊絕愈炫曜仙選夏藪巧競採笑郊駢鮮互探嬰桑

變忽蕪蔓愈樟裁浪登丁霞鬪詎能極郊風期誰復賡

臯區扶帝壤愈瓌蘊郁天京祥色被文彥郊良材插杉

攄隱伏饒氣象愈興潛示堆坑擘華露神物郊擁終儲

地禎訐謨壯締始愈輔弼登階清至秀恣填塞郊呀靈

瀉淳澄益大聯漢魏愈肇初邁周贏積照涵德鏡郊傳

經儷金籛食家行鼎鬲愈龍族飫弓旌奕制盡從賜郊

殊私得逾程飛橋上架漢愈繚岸俯規瀛瀟碧遠輸委

郊湖嵌費攜擎萄首從大漠愈楓櫨至南荆嘉植鮮危

朽郊膏理易滋榮懸長巧紐翠愈象曲善攢珩魚口星

浮沒郊馬毛錦斑駢五方亂風土愈百種分鉏耕葩蘖

相妬出郊菲茸共舒晴類招臻倜詭愈翼萃伏衿纓危

望跨飛動

郊

冥升躡登閣春遊轢霍靡

愈

彩伴颺縈娛

遺燦飄的皪

郊

淑顏洞精誠嬌應如在寤

愈

顏意若含

醒鵷毳翔衣帶

郊

鵷肪截佩璜文昇相照灼

愈

武勝屠

機槍割錦不酬價

郊

構雲有高營通波刃鱗介

愈

疏畹

富蕭衡買養馴孔翠

郊

遠苞樹蕉枿鴻頭排刺芡

愈

鵠

鵠攢瓊橙鶩廣雜良牧

郊

蒙休賴先盟罷旄奉環衛

愈

守封踐忠貞戰服脫明介

郊

朝冠飄彩紘爵勲逮僮隸

愈

簪笏自懷繡乳下秀嶷嶷

郊

椒蕃泣皃皃貌鑑清溢

匣愈眸光寒發硯館儒養經史郊綴戚觴孫甥考鐘饋

肴核愈夏鼓脩牢牲飛膳自北下郊函珍極東烹如瓜

煮大卵愈比線茹芳菁海嶽錯口腹郊趙燕錫媼姪一

笑釋仇恨愈百金交弟兄貨至貊戎市郊呼傳鸚鵡令

順居無鬼瞰愈抑橫免官評殺候肆凌翦郊籠原市置

紉羽空顛雉鷄愈血路迸狐麋折足去蹉跎郊威鬚怒

鬢鬟躍犬疾翥鳥愈呀鷹甚饑啗箕蹄記功賞郊裂腦

擒挫振猛斃牛馬樂愈妖殘梟鵠惇窟窮尚嗔視郊箭

出方驚押連箱載已實

愈

礙轍棄仍羸喘覩鋒刃點

郊

困衝株枿盲掃淨豁曠曠

愈

騁遙畧芊芊饒叔飽活鬱

郊

惡嚼嘖腥鯖歲律及郊至

愈

古音命韶龔旗旆流日

月郊帳廬扶棟薨磊落奠鴻璧

愈

參差席香簋玄祗祉

兆姓

郊

黑秬饒豐盛慶流蠲瘥癘

愈

威暢蠲輶輶靈燔

望高岡

郊

龍駕聞敲鼙是惟禮之盛

愈

永用表其宏德

孕厚生植

郊

恩熙完則剏宅土盡華族

愈

運田閒強壯

蔭庾森嶺檜

郊

啄場翺样鳴畦肥翦菲薤

愈

陶固收盆

覺利養積餘健

郊

孝思事嚴枋掘雲破帶嶠

愈

採月漉

均泓寺砌上明鏡

郊

僧孟敲曉鉦泥像對騁怪

愈鐵鐘

孤春隍癭頸鬧鳩鵲

郊

蛻垣亂蛛蠓甚黑老蠶蠟

愈麥

黃韻鸛鷓韶曙遲勝賞

郊

賢朋戒先庚馳門填偏仄

愈

競墅輾砵碎碎纈紅蒲杏

郊

稠凝碧浮錫蹠繩覲娥嫠

愈鬬草擷璣琤粉汗澤廣額

郊

金星墮連璫鼻偷困淑

郁愈眼剽強盯眊是節飽顏色

郊

茲疆稱都城書饒罄

魚繭

愈

紀盛播琴箏奚必事遠覲

郊

無端遂羈僮將身

親魍魎

愈

浮跡侶鷗鵲腥味空奠屈

郊

天年徒羨彭驚

魂見蛇蚓

愈

觸嗅值蝦蟇幸得履中氣

郊

忝從拂天棖

歸私暫休暇

愈

驅明出庠黌鮮意竦輕暢

郊

連輝照瓊

瑩陶暄遂風

乙愈

躍視舞晴蜻足勝自多詣

郊

心貪敵

無勅始知樂名教

愈

何用苦拘擥畢景任詩趣

郊

焉能

守磳磳

愈

會合聯句

離別言無期會合意彌重

籍

病添兒女戀老喪丈夫勇

愈劍心知未死詩思猶孤聳

郊

愁去劇箭飛謹來若泉

涌

徹

析言多新貫攄抱無簪壅

籍

念難須勤追悔易勿

輕踵

愈

吟巴山聲畧說楚波堆壘

郊

馬辭虎豹怒舟出

蛟鼉恐

徹

狂鯨時孤軒幽狄雜百種

愈

瘴衣常腥膩蠻

器多疎冗

籍

剝苔弔斑林角飯餌沉塚

愈

忽爾銜遠命

歸歟舞新寵

郊

鬼窟脫幽妖天居覲清拱

愈

京遊步方

振謫夢意猶恂

籍

詩書誇舊知酒食接新奉

愈

嘉言寫

清越瘡病失朮腫

郊

夏陰偶高庇宵魄接虛擁

愈

雪絃

寂寂聽茗盃纖纖捧

郊

馳輝燭浮螢幽響泄潛菴

愈

詩

老獨何心江疾有餘廔

郊

我家本漚穀有地介臯鞏休

跡憶沈冥我冠慙聞

愈

升朝高轡逸振物羣聽悚徒

言濯幽泌誰與薙荒茸

籍

朝紳鬱青綠馬飾曜珪國

讐未銷鑠我志蕩叩隴

郊

君才誠倜儻時論方洵溶

音

格言多彪蔚懸解無桔拳

拱音

張生得淵源寒色拔山冢

堅如撞羣金眇若抽獨蛹

愈

伊余何所擬跛鼈詎能踊

塊然墮岳石飄爾冒巢飀

郊

龍旆垂天衛雲韶凝禁角

君胡眠安然朝鼓聲洶洶愈

鬪雞聯句

大雞昂然來小雞竦而待愈崢嶸顛盛氣洗刷凝鮮彩

郊愈高行若矜豪側睨如同殆愈精光目相射劍戟心獨

在郊既取冠為胃復以距為鏃天時得清寒地利挾爽

塏愈磔毛各噤瘁怒癭爭礮磊俄膺忽爾低植立瞥而

改郊脇膊戰聲喧續翻落羽矐中休事未決小挫勢益

倍愈妒腸務生敵賊性專相醢裂血失鳴聲啄殷甚饑

餒郊對起何急驚隨旋誠巧給毒手飽李陽神槌困朱

亥愈惻心我以仁碎首爾何罪獨勝事有然旁驚汗流

浼郊知雄欣動顏怯負愁看賄爭觀雲填道助呌波翻

海愈事爪深難解嗔晴時未怠一噴一醒然再接再礪

乃郊頭垂碎丹砂翼搨拖錦綵連軒尚賈音古餘清厲比

歸凱愈選俊感收毛受恩慙始隗英心甘鬪死義肉恥

庖宰君看鬪雞篇短韻有可採郊

石鼎聯句 并序

元和七年十二月四日衡山道士軒轅彌明自
衡下來舊與劉師服進士衡湘中相識將過太
白知師服在京夜抵其居宿有校書郎侯喜新
有能詩聲夜與劉說詩彌明在其側貌極醜白
鬚黑面長頸而高結喉中又作楚語喜視之若
無人彌明忽軒衣張眉指鑪中石鼎謂喜曰子
云能詩能與我賦此乎劉往見衡湘間人說云
年九十餘矣解捕逐鬼物拘囚蛟螭虎豹不知

其實能否也見其老頗貌敬之不知其有文也
聞此說大喜即援筆題其首兩句次傳於喜喜
踊躍即綴其下云云道士啞然笑曰子詩如是
而已乎即袖手踈肩倚北牆坐謂劉曰吾不解
世俗書子為我書因高吟曰龍頭縮菌蠢豕腹
漲彭亨初不似經意詩旨有似譏喜二子相顧
慙駭欲以多窮之即又為而傳之喜喜思益苦
務欲壓道士每營度欲出口吻聲鳴益悲操筆

欲書將下復止竟亦不能奇也畢即傳道士道士高踞大唱曰劉把筆吾詩云云其不用意而功益奇不可附說語皆侵劉侯喜益忌之劉與侯皆已賦十餘韻彌明應之如響皆穎脫含譏諷夜盡三更二子思竭不能續因起謝曰尊師非世人也某伏矣願為弟子不敢更論詩道士奮曰不然章不可以不成也又謂劉曰把筆來吾與汝就之即又唱出四十字為八句書訖使

讀讀畢謂二子曰章不已就乎二子齊應曰就
矣道士曰此皆不足與語此寧為文邪吾就子
所能而作耳非吾之所學於師而能者也吾所
能者子皆不足以聞也獨文乎哉吾語亦不當
聞也吾閉口矣二子大懼皆起立牀下拜曰不
敢他有問也願聞一言而已先生稱吾不解人
間書敢問解何書請聞此而已道士寂然若無
聞也累問不應二子不自得即退就坐道士倚

墻睡鼻息如雷鳴二子怛然失色不敢喘斯須
曙鼓動夔夔二子亦困遂坐睡及覺日已上驚
顧覓道士不見即問童奴奴曰天且明道士起
出門若將便旋然奴恠久不返即出到門覓無
有也二子驚惋自責若有失者間遂詣余言余
不能識其何道士也嘗聞有隱君子彌明豈其
人耶韓愈序

巧匠斲山骨剗中事煎烹

師服

直柄未當權塞口且吞

聲喜龍頭縮菌蠢豕腹漲彭亨

彌明

外苞乾蘚文中有

暗浪驚

師服

在冷足自安遭焚意彌貞

喜

謬當鼎鼐間

妄使水火爭

彌明

大似烈士膽圓如戰馬纓

師服

上比

香爐尖下與鏡面平

喜

秋瓜未落蒂凍芋強抽萌

彌明

一塊元氣閉細泉幽竇傾

師服

不值輸寫處焉知懷抱

清

喜

方當洪鑪然益見小器盈

彌明

眈眈無刃迹團團

類天成

師服

遙疑龜負圖出曝曉正晴

喜

旁有雙耳穿

上為孤髻撐

彌明

或訝短尾鉞又似無足鐙

師服

可惜

寒食毬擲此傍路坑

喜

何當出灰炮無計離餅罌

彌明

陋質荷斟酌狹中愧提擎

師服

豈能煮仙藥但未汗羊

羹

喜

形模婦女笑度量兒童輕

彌明

徒示堅重性不過

升合盛

師服

傍似廢輟仰側見折軸橫

喜

時于蚯蚓竅

微作蒼蠅鳴

彌明

以茲翻溢愆實負任使誠

師服

常居

顧盼地敢有漏洩情

喜

寧依暖熱弊不與寒涼并

彌明

區區徒自效瑣瑣不足呈

喜

迴旋但兀兀開闔惟鏗鏗

師服

全勝瑚璉貴空有口傳名豈比俎豆古不為手所

橙磨礮去圭角浸潤著光精願君莫嘲笑此物方施行
彌明 按此詩韓公意有所諷
故借彌明侯喜劉師服以為辭

山石

山石犖确行徑微黃昏到寺蝙蝠飛昇堂坐階新雨足
芭蕉葉大支子肥僧言古壁佛畫好以火來照所見稀
鋪牀拂席置羹飯疎糲亦足飽我饑夜深靜卧百蟲絕
清月出嶺光入扉天明獨去無道路出入高下窮煙霏
山紅澗碧紛爛漫時見松櫪皆十圍當流赤足蹋澗石

水聲激激風吹衣人生如此自可樂豈必局束為人韉
嗟哉吾黨二三子安得至老不更歸

汴泗交流贈張僕射

汴泗交流郡城角築場千步平如削短垣三面繚逶迤
擊鼓騰騰樹赤旗新秋朝涼未見日公早結束來何為
分曹決勝約前定百馬攢蹄近相映毬驚杖奮合且離
紅牛纓紱黃金羈側身轉臂著馬腹霹靂應手神珠馳
超遙散漫兩間暇揮霍紛紜爭變化發難得巧意氣麤

謹聲四合壯士呼此誠習戰非為劇豈若安坐行良圖
當今忠臣不可得公馬莫走須殺賊

雉帶箭

原頭火燒靜兀兀野雉畏鷹出復沒將軍欲以巧伏人
盤馬彎弓惜不發地形漸窄觀者多雉驚弓滿勁箭加
衝人決起百餘尺紅翎白鏃隨傾斜將軍仰笑軍吏賀
五色離披馬前墮

贈鄭兵曹

樽酒相逢十載前君為壯夫我少年
樽酒相逢十載後我為壯夫君白首
我材與世不相當戢鱗委翅無復望
當今賢俊皆周行君何為乎獨遑遑
杯行到君莫停手破除萬事無過酒

桃源圖

神仙有無何眇芒桃源之說誠荒唐
流水盤迴山百轉生綃數幅垂中堂
武陵太守好事者題封遠寄南宮下
南宮先生忻得之波濤入筆驅文辭
文工畫妙各臻極

異境恍惚移於斯，架巖鑿谷開宮室。
接屋連牆千萬日，羸顛劉蹶了不聞。
地坼天分非所恤，種桃處處惟開花。
川原近遠蒸紅霞，初來猶自念鄉邑。
歲久此地還成家，漁舟之子來何所。
物色相猜更問語，大蛇中斷改前王。
羣馬南渡開新主，聽終辭絕共悽然。
自說經今六百年，當時萬事皆眼見。
不知幾許猶流傳，爭持酒食來相饋。
禮數不同樽俎異，月明伴宿玉堂空。
骨冷魂清無夢寐，夜半金雞啁哳鳴。
火輪飛出客心驚，人間有累不可住。

依然離別難為情船開棹進一迴顧萬里蒼蒼煙水暮
世俗寧知偽與真至今傳者武陵人

贈侯喜

吾黨侯生字叔迟呼我持竿釣溫水平明鞭馬出都門
盡日行行荆棘裏溫水微茫絕又流深如車轍濶容輶
蝦蟆跳過雀兒浴此縱有魚何足求我為侯生不能已
盤針擘粒投泥滓晡時堅坐到黃昏手倦目勞方一起
暫動還休未可期蝦行蛭渡似皆疑舉竿引線忽有得

一寸纔分鱗與鬢是日侯生與韓子良久歎息相看悲
我今行事盡如此此事正好為我規半世遑遑就舉選
一名始得紅顏衰人間事勢豈不見徒自辛苦終何為
便當提攜妻與子南入箕潁無還時叔退君今氣方銳
我言至切君弗嗤君欲釣魚須遠去大魚豈肯居沮洳

古意

太華峰頭玉井蓮開花十丈藕如船冷比雪霜甘比蜜
一片入口沉痾痊我欲求之不憚遠青壁無路難夤緣

安得長梯上摘實下種七澤根株連

八月十五夜贈張功曹

纖雲四卷天無河清風吹空月舒波沙平水息聲影絕
一杯相屬君當歌君歌聲酸辭且苦不能聽終淚如雨
洞庭連天九疑高蛟龍出没猩鼯號十生九死到官所
幽居默默如藏逃下牀畏蛇食畏藥海氣濕蟄重腥臊
昨者州前擣大鼓嗣皇繼聖登夔臯赦書一日行萬里
罪從大辟皆除死遷者追迴流者還滌瑕蕩垢朝清班

州家申名使家抑坎軻祇得移荆蠻判司卑官不堪說
未免捶楚塵埃間同時輩流多上道天路幽險難追攀
君歌且休聽我歌我歌今與君殊科一年明月今宵多
人生由命非由他有酒不飲奈月何

謁衡嶽廟遂宿嶽寺題門樓

五嶽祭秩皆三公四方環鎮嵩當中火維地荒足妖恠
天假神柄專其雄噴雲泄霧藏半腹雖有絕頂誰能窮
我來正逢秋雨節陰氣晦昧無清風潛心默禱若有應

豈非正直能感通須臾靜掃衆峯出仰見突兀撐青空
紫蓋連延接天柱石廩騰擲堆祝融森然魄動下馬拜
松栢一逕趨靈宮粉牆丹柱動光彩鬼物圖畫填青紅
升階偃僂薦脯酒欲以菲薄明其衷廟內老人識神意
睢盱傾伺能鞠躬手持杯琬導我擲云此最吉餘難同
竄逐蠻荒幸不死衣食纔足甘長終侯王將相望久絕
神縱欲福難為功夜投佛寺上高閣星月揜映雲朦朧
猿鳴鐘動不知曙杲杲寒日生於東

峒嶺山

峒嶺山尖神禹碑字青石赤形摹奇科斗拳身薤倒披
驚飄鳳泊拏龍螭事嚴跡祕鬼莫窺道人獨上偶見之
我來咨嗟涕漣漉千搜萬索何處有森森綠樹猿猱悲
李花贈張十一署

江陵城西二月尾花不見桃惟見李風揉雨練雪羞比
波濤翻空杳無涖君知此處花何似白花倒燭天夜明
羣雞驚鳴官吏起金烏海底初飛來朱輝散射青霞開

迷魂亂眼看不得，照曜萬樹繁如堆。
念昔少年著遊燕，對花豈省曾辭杯。
自從流落憂感集，欲去未到先思迴。
祇今四十已如此，後日更老誰論哉。
力攜一樽獨就醉，不忍虛擲委黃埃。

寒食日出遊

公自注：張十一院長見示病中憶花九篇，寒食日出遊，夜歸，因以投贈。

李花初發君始病，我往看君花轉盛。
走馬城西惆悵歸，不忍千株雪相映。
邇來又見桃與梨，交開紅白如爭競。
可憐物色阻攜手，空展霜縑吟九咏。
紛紛落盡泥與塵。

不共新粧比端正桐華最晚今已繁君不強起時難更
關山遠別固其理寸步難見始知命憶昔與君同貶官
夜渡洞庭看斗柄豈料生還得一處引袖拭淚悲且慶
各言生死兩追隨直置心親無貌敬念君又署南荒吏
路指鬼門幽且賔三公盡是知音人曷不薦賢陛下聖
囊空甑倒誰救之我今一食日還併自然憂氣損天和
安得康強保天性斷霍兩翅鳴何哀繫驥四足氣空橫
今朝寒食行野外綠楊市岸蒲芽迸宋玉庭邊不見人

輕浪參差魚動鏡自嗟孤賤足瑕疵特見放縱荷寬政
飲酒寧嫌餞底深題詩尚倚筆鋒勁明宵故欲相就醉
有月莫辭當火令

憶昨行和張十一

憶昨夾鐘之呂初吹灰上公禮罷元侯迴車載牲牢甕
舁酒並召賓客延鄒枚腰金首翠光照耀絲竹迴發清
以哀青天白日花草麗玉笋屢舉傾金罍張君名聲座
所屬起舞先醉長松摧宿醒未解舊店作深室靜卧聞

風雷自期殞命在春序屈指數日憐嬰孩危辭苦語感
我耳淚落不揜何漼漼念昔從君渡湘水大帆夜劃窮
高桅陽山鳥路出臨武驛馬拒地驅頻隤踐蛇茹蠱不
擇死忽有飛詔從天來伾文未揃崖州熾雖得赦宥恒
愁猜近者三姦悉破碎羽窟無底幽黃能眼中了了見
鄉國知有歸日眉方開今君縱署天涯吏投檄北去何
難哉無妄之憂勿藥喜一善自足襁千災頭輕目朗肌
骨健古劍新斲磨塵埃殃消禍散百福併從此直至耆

與鮑嵩山東頭伊洛岸勝事不假須穿裁君當先行我
待滿沮溺可繼窮年推

劉生詩

生名師命其姓劉自少軒輊非常儔棄家如遺來遠遊
東走梁宋暨揚州遂凌大江極東陬洪濤春天禹穴幽
越女一笑三年留南逾橫嶺入炎州青鯨高磨波山浮
怪魅炫曜堆蛟虬山獐譴譟猩猩游毒氣爍體黃膏流
問胡不歸良有由美酒傾水觴肥牛妖歌慢舞爛不收

倒心迴腸為青眸千金邀顧不可酬乃獨遇之盡綢繆
瞥然一餉成十秋昔鬚未生今白頭五管歷徧無賢侯
迴望萬里還家羞陽山窮邑惟猿猴手持釣竿遠相投
我為羅列陳前修芟蒿斬蓬利鋤耨天星迴環數纔周
文學穰穰困倉稊車輕御良馬力優吐哉識路行勿休
往取將相酬恩讐

鄭羣贈簞

新州笛竹天下知鄭君所寶尤瓌奇攜來當畫不得卧

一府傳看黃瑠璃體堅色淨又藏節盡眼凝滑無瑕疵
法曹貧賤衆所易腰腹空大何能為自從五月困暑濕
如坐深甌遭熬炊手磨袖拂心語口慢膚多汗真相宜
日暮歸來獨惆悵有賣直欲傾家貲誰謂故人知我意
卷送八尺含風漪呼奴掃地鋪未了光彩照耀驚童兒
青蠅側翅螽蟴避肅肅疑有清飈吹倒身甘寢百疾愈
却願天日恒炎曦明珠青玉不足報贈子相好無時衰

遊青龍寺贈崔大補闕

秋灰初吹季月管日出卯南暉景短友生招我佛寺行

正值萬株紅葉滿

蘓軾曰余讀此句初不曉其故及觀小說鄭虔寓青龍寺貧無紙取柿葉

學書九月柿葉赤而實紅故知退之之詩謂此

光華閃壁見神鬼赫赫炎官張

火傘然雲燒樹火實駢金烏下啄頰虬卵魂翻眼倒忘

處所赤氣冲融無間斷有如流傳上古時九輪照燭乾

坤旱二三道士席其間靈液屢進頗黎盃忽驚顏色變

韶稚卻信靈仙非怪誕桃源迷路竟茫茫棗下悲歌徒

纂纂前年嶺隅鄉思發躑躅成山開不筭去歲羈帆湘

水明霜楓千里隨歸伴猿呼鷗嘯鷓鴣啼惻耳酸腸難
濯澣思君攜手安能得今者相從敢辭懶由來鈍騃寡
參尋況是儒官飽閒散惟君與我同懷抱鋤去陵谷置
平坦年少得途未要忙時清諫疏尤宜罕何人有酒身
無事誰家多竹門可款須知節候即風寒幸及亭午猶
妍暖南山逼冬轉清瘦刻畫圭角出崖竅當憂復被冰
雪埋汲汲來窺誠遲緩

贈崔立之評事

崔侯文章苦捷敏高浪駕天輸不盡曾從關外來上都
隨身卷軸車連軫朝為百賦猶鬱怒暮作千詩轉遒緊
搖毫擲簡自不供頃刻青紅浮海蜃才豪氣猛易語言
往往蛟螭雜螻蚓知音自古稱難遇世俗乍見那妨哂
勿嫌法官未登朝猶勝赤尉長趨尹時命雖乖心轉壯
技能虛富家逾窘念昔塵埃兩相逢爭名齟齬持矛盾
子時專場誇背距余始張軍嚴韞鞬爾來但欲保封疆
莫學龐涓怯孫臏竄逐新歸厭聞鬧齒髮早衰嗟可閔


頻蒙怨句刺棄遺豈有閒官敢推引深藏篋笥時一發
戢戢已多如束筍可憐無益費精神有似黃金擲虛牝
當今聖人求侍從拔擢杞梓收楛箛東馬嚴徐已奮飛
枚臯即召窮且忍復聞王師西討蜀霜風冽冽摧朝菌
走章馳檄在得賢燕雀紛拏要鷹隼竊料二塗必處一
豈比恒人長蠢蠢勸君韜養待徵招不用雕琢愁肝腎
墻根菊花好沽酒錢帛縱空衣可準暉暉簷日暖且鮮
撼撼井梧疎更殞高士例須憐麴蘖丈夫終莫生畦畛

能來取醉任喧呼死後賢愚俱泯泯

永貞行

君不見古皇亮陰未出令小人乘時偷國柄北軍百萬
虎與貔天子自將非他師一朝奪印付私黨懍懍朝士
何能為孤鳴梟噪爭署置賜朕跳踉相嫵媚夜作詔書
朝拜官超資越序曾無難公然白日受賄賂火齊磊落
堆金盤元臣故老不敢語晝卧涕泣何汎瀾董賢三公
誰復惜侯景九錫行可歎國家功高德且厚天位未許

庸夫干我皇卓犖信英主文如太宗武高祖膺圖受禪
登明堂共流幽州絲死羽四門肅穆賢俊登數君匪親
豈其朋郎官清要為世稱荒郡迫野嗟可矜湖波連天
日相騰蠻俗生梗瘴癘蒸江氛嶺祲昏若凝一蛇兩頭
見未曾怪鳥鳴喚令人憎蠱蟲羣飛夜撲燈雄虺毒螫
墮股肱食中置藥肝心崩左右使令詐難憑慎勿浪言
常兢兢吾嘗同僚情可勝具書目見非妄徵嗟爾既往
宜為懲



御定全唐詩錄卷四十八

欽定四庫全書

集部

御定全唐詩錄卷四十九
五十九

詳校官左中允_臣璿五珠

主事銜_臣徐以坤覆勘

總校官原任中允_臣王燕緒

校對官中書_臣嵇承志

校對官中書_臣田尹衡

謄錄監生_臣宋曷

謄錄監生_臣俞鳳

欽定四庫全書

御定全唐詩錄卷四十九

韓愈

四

古體詩

四

送區弘南歸

穆昔南征軍不歸蟲沙猿鶴伏以飛洶洶洞庭莽翠微
九疑饒天荒是非野有象犀水貝璣分散百寶人士稀
我遷於南日周圍來見者衆莫依稀爰有區子熒熒暉

觀以彛訓或從違我念前人譬葑菲落以斧引以繆徽
雖有不逮驅駢駢或採於薄漁於磯服役不辱言不譏
從我荊州來京畿離其母妻絕因依嗟我道不能自肥
子雖勤苦終何希王都觀闕雙巍巍踴衆駿事鞍韉
佩服上色紫與緋獨子之節可嗟唏母附書至妻寄衣
開書拆衣淚痕晞雖不勅還情庶幾朝暮盤羞惻庭闈
幽房無人感伊威人生此難餘可祈子去矣時若發機
蜃沈海底氣昇霏彩雉野服朝扇輦處子窈窕王所妃

苟有令德隱不腓況今天子鋪德威蔽能者誅薦受襪
出送撫背我涕揮行行正直慎脂韋業成志樹來頽頽
我當為子言天扉

陸渾山火和皇甫湜用其韻

皇甫補官古賁渾時當大冬澤乾源山狂谷狼相吐吞
風怒不休何軒軒擺磨出火以自燔有聲夜中驚莫原
天跳地蹕顛乾坤赫赫上照窮崖垠截然高周燒四垣
神焦鬼爛無逃門三光弛隳不復暾虎熊麋豬逮猴猿

水龍鬣龜魚與黿鴉鷓鴣鷹雉鵠鷓燭魚煨燻孰飛奔
祝融告休酌卑尊錯陳齊玫瑰闢華園芙蓉披猖塞鮮繁
千鐘萬鼓咽耳喧攢雜啾噉沸簾塤彤幢絳旂紫蠹旂
炎官熱屬朱冠禪髹其肉皮通腔臀頰胃垤腹車掀轅
緹顏韎股豹兩鞬霞車虹勒日轂輻丹旌繚蓋緋繡帟
紅帷赤幕羅脈脈盪池波風肉陵屯谿呀鉅壑頗黎盆
豆登五山瀛四罇熙熙醕醕笑語言雷公擘山海水翻
齒牙嚼齧舌腭反電光礮礮頰目暖音喧頊冥收威避玄

根斥棄輿馬背厥孫縮身潛喘拳肩跟君臣相憐加愛
恩命黑螭偵焚其元天關悠悠不可援夢通上帝血面
論側身欲進叱於閹帝賜九河湔涕痕又詔巫陽反其
魂徐命之前問何冤火行於冬古所存我如禁之絕其
殄女丁婦壬傳世婚一朝結讐奈後昆時行當反慎藏
蹲視桃著花可小騫月及申酉利復怨助汝五龍從九
鯢溺厥邑囚之崑崙皇甫作詩止睡昏辭誇出真遂上
焚要余和增恠又煩雖欲悔舌不可捫

和虞部盧四汀酬翰林錢七嶽赤藤杖歌

赤藤為杖世未窺
臺郎始攜自滇池
滇王掃宮避使者
跪進再拜語嗔咍
繩橋拄過免傾墮
性命造次蒙扶持
途經百國皆莫識
君臣聚觀逐旌麾
共傳滇神出水獻
赤龍拔鬚血淋漓
又云羲和操火鞭
暝到西極睡所遺
幾重包裹自題署
不以珍恠誇荒夷
歸來捧贈同舍子
浮光照手欲把疑
空堂晝眠倚牖戶
飛電著壁搜蛟螭
南宮清深禁闈密
唱和有類吹塤篪
妍辭麗句不可繼

見寄聊且慰分司

寄盧仝

玉川先生洛城裏破屋數間而已矣一奴長鬚不裹頭
一婢赤脚老無齒辛勤奉養十餘人上有慈親下妻子
先生結髮憎俗徒閉門不出動一紀至今隣僧乞米送
僕忝縣尹能不恥俸錢供給公私餘時致薄少助祭祀
勸叅留守謁大尹言語纔及輒掩耳水北山人得名聲
去年去作幕下士水南山人又繼往鞍馬僕從塞間里

少室山人索價高兩以諫官徵不起彼皆刺口論世事
有力未免遭驅使先生事業不可量惟用法律自繩已
春秋三傳束高閣獨抱遺經究終始往年弄筆嘲同異
恠辭驚衆謗不已近來自說尋坦途猶上虛空跨綠駟
去歲生兒名添丁意令與國充耘耔國家丁口連四海
宜無農夫親耒耜先生抱才終大用宰相未許終不仕
假如不在陳力列立言垂範亦足恃苗裔當蒙十世宥
豈謂貽厥無基趾故知忠孝生天性潔身亂倫安足擬

昨晚長鬚來下狀隔牆惡少惡難似每騎屋山下窺闕
渾舍驚怕走折趾憑依婚媾欺官吏不信令行能禁止
先生受屈未曾語忽此來告良有以嗟我身為赤縣令
操權不用欲何俟立召賊曹呼伍伯盡取鼠輩尸諸市
先生又遣長鬚來如此處置非所喜況又時當長養節
都邑未可猛政理先生固是余所畏度量不敢窺涯涘
放縱是誰之過歟效尤戮僕愧前史買羊沽酒謝不敏
偶逢明月曜桃李先生有意許降臨更遣長鬚致雙鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望蹋龍尾
倚天更覺青巉巖自知短淺無所補從事久此穿朝衫
歸來得便即遊覽暫似壯馬脫重銜曲江荷花蓋十里
江湖生目思莫緘樂遊下矚無遠近綠槐萍合不可芟
白首寓居誰借問平地寸步扃雲巖雲夫吾兄有狂氣
嗜好與俗殊酸鹹日來省我不肯去論詩說賦相誦誦
望秋一章已驚絕猶言低抑避謗讒若使乘酣騁雄怪

造化何以當鑄劉嗟我小生值強伴怯膽變勇神明鑒
馳坑跨谷終未悔為利而止真貪饒高揖羣公謝名譽
遠追甫白感至誠樓頭完月不共宿其奈就缺行戡戡

石鼓歌

張生手持石鼓文勸我試作石鼓歌少陵無人謫仙死
才薄將奈石鼓何周網陵遲四海沸宣王憤起揮天戈
大開明堂受朝賀諸侯劍珮鳴相磨蒐於岐陽騁雄俊
萬里禽獸皆遮羅鑄功勒成告萬世鑿石作鼓隳嵯峨

從臣才藝咸第一揀選撰刻留山阿雨淋日炙野火燎
鬼物守護煩撫呵公從何處得紙本毫髮盡備無差訛
辭嚴義密讀難曉字體不類隸與科年深宜免有缺畫
快劍砍斷生蛟鼉鸞翔鳳翥衆仙下珊瑚碧樹交枝柯
金繩鐵索鎖鈕壯古鼎躍水龍騰梭陋儒編詩不收入
二雅逼迫無委蛇孔子西行不到秦拊撫星宿遺羲娥
嗟余好古生苦晚對此涕淚雙滂沱憶昔初蒙博士徵
其年始改稱元和故人從軍在右輔為我量度掘白科

濯冠沐浴告祭酒如此至寶存豈多氈苞席裏可立致
十鼓祇載數駱駝薦諸太廟比郛鼎光價豈止百倍過
聖恩若許留太學諸生講解得切磋觀經鴻都尚填咽
坐見舉國來奔波剗苔剔蘚露節角安置妥帖平不頗
大厦深簷與蓋覆經歷久遠期無他中朝大官老於事
詎肯感激徒婣婣牧童敲火牛礪角誰復着手為摩挲
日銷月鏹就埋沒六年西顧空吟哦羲之俗書趁姿媚
數紙尚可博白鵝繼周八代爭戰罷無人收拾理則那

方令太平日無事柄任儒術崇丘軻安能以此上論列
願借辨口如懸河石鼓之歌止於此嗚呼吾意其蹉跎
盧郎中雲夫寄示送盤谷子詩兩章歌以和之

昔尋李愿向盤谷正見高崖巨壁爭開張是時新晴天
井溢誰把長劍倚太行衝風吹破落天外飛雨白日灑
洛陽東蹈燕川入曠野有饋木蕨芽滿筐馬頭溪深不
可厲借車載過水入箱平沙綠浪榜方口雁鴨飛起穿
垂楊窮探極覽頗恣橫物外日月本不忙歸來辛苦欲

誰為坐令再往之計墮眇茫閉門長安三日雪推書撲
筆歌慨慷旁無壯士遣屬和遠憶盧老詩顛狂開緘忽
覩送歸作字向紙上皆軒昂又知李侯竟不顧方冬獨
入崔嵬藏我今進退幾時決十年蠢蠢隨朝行家請官
供不報答無異崔鼠偷太倉行抽手版付丞相不待彈
劾還耕桑

短燈檠歌

長檠八尺空自長短檠二尺便且光黃簾綠幕朱門閉

風露氣入秋堂涼裁衣寄遠淚眼暗搔頭頻挑移近牀
太學儒生東魯客二十辭家來射策夜書細字綴語言
兩目眵昏頭雪白此時提攜當案前看書到曉那能眠
一朝富貴還自恣長檠高張照珠翠吁嗟世事無不然
牆角君看短檠棄

華山女

街東街西講佛經撞鐘吹螺開宮庭廣張罪福資誘脅
聽衆狎恰排浮萍黃衣道士亦講說座下寥落如明星

華山女兒家奉道欲驅異教歸仙靈洗妝拭面著冠帔
白咽紅頰長眉青遂來昇座演真訣觀門不許人開局
不知誰人暗相報訇然振動如雷霆掃除衆寺人跡絕
驂騑塞路連輜輶觀中人滿坐觀外後至無地無由聽
抽釵脫釧解環佩堆金疊玉光青瑩天門貴人傳詔召
六宮願識師顏形玉皇頷首許歸去乘龍駕鶴來青冥
豪家少年宜知道來繞百巾脚不停雲牕霧閣事恍惚
重重翠幔深金屏仙梯難攀俗緣重浪憑青鳥通丁寧

朱熹曰或怪公排斥佛老不遺餘力而於華山女語獨假借如此非也此正譏其銜姿色假仙靈以惑衆又譏時君不察使失行婦人得入宮禁耳觀其卒章豪家少年雲牕霧閣翠幔金屏青鳥丁寧等語褻慢甚矣豈真以僊神處之哉

雪後寄崔二十六丞公

藍田十月雪塞關我興南望愁羣山攢天鬼鬼凍相映
君乃寄命於其間秋卑俸薄食口衆豈有酒食開容顏
殿前羣公賜倉罷驂騑踟躕路驕且閑稱多量少鑒裁密
豈念幽桂遺榛菅幾欲犯嚴出薦口氣象碑兀未可攀

歸來殞涕掩關卧心之紛亂誰能刪詩翁憔悴斲荒棘
清玉刻佩聯玦環腦脂遮眼卧壯士大弔挂壁無由彎
乾坤惠施萬物遂獨於數子懷偏慳朝歎暮喈不可解
我心安得如石頑

送僧澄觀

浮屠西來何施為擾擾四海爭奔馳構樓架閣切星漢
誇雄鬪麗止者誰僧伽後出淮泗上勢到衆佛尤恢奇
越商胡賈脫身罪珪璧滿船寧計資清淮無波平如席

欄柱傾扶半天赤火燒水轉掃地空突兀便高三百尺
影沈潭底龍驚遁當晝無雲跨虛碧借問經營本何人
道人澄觀名籍籍愈昔從軍大梁下往來滿屋賢豪者
皆言澄觀雖僧徒公才吏用當今無後從徐州辟書至
紛紛過客何由記人言澄觀乃詩人一座競吟詩句新
向風長歎不可見我欲收斂加冠巾洛陽窮秋厭窮獨
丁丁啄門疑啄木有僧來訪呼使前伏犀插腦高頰權
惜哉已老無所及坐晚神骨空潛然臨淮太守初到郡

遠遣州民送音問好奇賞俊直難逢去去為致思從容
奉酬盧給事雲夫四兄曲江荷花行見寄并呈上

錢七兄閣老張十八助教

曲江千頃秋波淨平鋪紅雲蓋明鏡大明宮中給事歸
走馬來看立不正遺我明珠九十六寒花映骨睡驪目
我今官閒得婆娑問言何處芙蓉多櫓舟昆明度雲錦
脚敲兩舷叫吳歌太白山高三百里負雪鬼鬼插花裏
玉山前却不復來曲江汀滢水平杯我時相思不覺一

回首天門九扇相當開上界真人足官府豈如散仙鞭
笞鸞鳳終日相追陪

記夢

夜夢神官與我言羅縷道妙角與根挈攜陬維口瀾翻
百二十刻須臾間我聽其言未云足捨我先度橫山腹
我徒三人共追之一人前度安不危我亦平行躡翫翫
上丘召切 神完骨蹻脚不掉側身上視溪谷盲杖撞玉
下牛召切 版聲彭觥神官見我開顏笑前對一人壯非少石壇坡陀

可坐卧我手承頰肘挂座隆樓傑閣磊嵬高天風飄飄
吹我過壯非少者哦七言六字常語一字難我以指撮
白玉丹行且咀嚙行詰盤口前截斷第二句綽虐顧我
顏不歡乃知仙人未賢聖護短憑愚邀我敬我能屈曲
自世閒安能從女巢神山

三星行

我生之辰月宿南斗牛奮其角箕張其口牛不見服箱
斗不挹酒漿箕獨有神靈無時停簸揚無善名已聞無

惡聲已謹

叶聞

名聲相乘除得少失有餘三星各在天什

伍東西陳嗟汝牛與斗汝獨不能神

嗟哉董生行

淮水出桐柏山東馳遙遙千里不能休淝水出其側不
能千里百里入淮流壽州屬縣有安豐唐貞元時縣人
董生召南隱居行義於其中刺史不能薦天子不聞名
聲爵祿不及門門外惟有吏日來徵租更索錢嗟哉董
生朝出耕夜歸讀古人書盡日不得息或山而樵或水

而漁入廚具甘旨上堂問起居父母不感感妻子不咨
咨嗟哉董生孝且慈人不識惟有天翁知生祥下瑞無
時期家有狗乳出求食雞來哺其兒啄啄庭中拾蟲蟻
哺之不食鳴聲悲徬徨躑躅久不去以翼來覆待狗歸
嗟哉董生誰將與儔時之人夫妻相虐兄弟為讐食君
之祿而令父母愁亦獨何心嗟哉董生無與儔

臣按此詩有關

名教朱晦菴收
拾小學書中

利劍

利劍光耿耿佩之使我無邪心故人念我寡徒侶持用
贈我比知音我心如冰劍如雪不能刺讒夫使我心腐
劍鋒折決雲中斷開青天噫劍與我俱變化歸黃泉

東方半明

東方半明大星沒獨有太白配殘月嗟爾殘月勿相疑
同光共影須臾期殘月暉暉太白睽睽難三號更五點
感春

皇天平分成四時春氣漫誕最可悲雜花妝林草蓋地

白日座上傾天維蜂喧鳥咽留不得紅萼萬片從風吹
豈如秋霜雖慘冽摧落老物誰惜之為此徑須沽酒飲
自外天地棄不疑近憐李杜無檢束爛漫長醉多文辭
屈原離騷二十五不肯鋪啜糟與醅惜哉此子巧言語
不到聖處寧非癡幸逢堯舜明四目條理品彙皆得宜
平明出門暮歸舍酩酊馬上知為誰

朝騎一馬出暝就一牀卧詩書漸欲拋節行久已情冠
歌感髮禿語誤悲齒墮孤負平生心已矣知何那我恨

不如江頭人長綯橫江遮紫鱗獨宿荒陂射鳬雁賣納
租賦官不嗔歸來歡笑對妻子衣食自給寧羞貧今者
無端讀書史智慧只足勞精神畫蛇著足無處用兩髻
雪白趨埃塵乾愁漫解坐自累與衆異趣誰相親數盃
澆腸雖暫醉皎皎萬慮醒還新百年未滿不得死且可

勤買拋青春

按此詩或作二首或作一首細讀之詞意
頓挫貫注宜是一首若作二首前俱七言

古體不應中問
忽有五言一首

醉留東野

昔年因讀李白杜甫詩長恨二人不相從吾與東野生
並世如何復躡二子蹤東野不得官白首誇龍鍾韓子
稍姦黠自慙青蒿倚長松低頭拜東野願得始終如駟
蛩東野不迴頭有如寸筵撞鉅鐘吾願身為雲東野變
為龍四方上下逐東野雖有別離無由逢

李花

平旦入西園梨花數株若矜夸旁有一株李顏色慘慘
似含嗟問之不肯道所以獨繞百匝至日斜忽憶前時

經此樹正見芳意初萌芽奈何趣酒不省錄不見玉枝
攢霜葩泫然為汝下雨淚無由反旆羲和車東風來吹
不解顏蒼茫夜氣生相遮冰盤夏薦碧實脆片去不御
慙其花

當春天地爭奢華洛陽園苑尤紛拏誰將平地萬堆雪
剪刻作此連天花日光赤色照未好明月暫入都交加
夜領張徹投盧仝乘雲共至玉皇家長姬香御四羅列
縞裙練帨無等差靜濯明粧有所奉顧我未肯置齒牙

清寒瑩骨肝膽醒一生思慮無由邪

聽穎師彈琴

昵昵兒女語恩怨相爾汝劃然變軒昂勇士赴敵場浮
雲柳絮無根蒂天地濶遠隨飛揚喧啾百鳥羣忽見孤
鳳凰躋攀分寸不可上失勢一落千丈強嗟余有兩耳
未省聽絲篴自聞穎師彈起坐在一旁推手遽止之濕
衣淚滂滂穎乎爾誠能無以冰炭置我腸

近體詩

題韋氏莊

昔者誰能比，今來事不同。
寂寥青草曲，散漫白榆風。
架倒藤全落，籬崩竹半空。
寧須惆悵立，翻覆本無窮。

獨釣

侯家林館勝，偶入得垂竿。
曲樹行藤角，平池散芡盤。
羽沈知食駛，緡細覺牽難。
聊取夸兒女，榆條繫從鞍。
一逕向池斜，池塘野草花。
雨多添柳耳，水長減蒲芽。
坐厭親刑柄，偷來傍釣車。
太平公事少，吏隱詎相賒。

獨往南塘上秋晨景氣醒露排四岸草風約半池萍鳥
下見人寂魚來聞餌馨所嗟無可召不得倒吾餅
秋半百物變溪魚去不來風能坼芡觜露亦染梨頰遠
岫重疊出寒花散亂開所期終莫至日暮與誰迴

詠燈花同侯十一

今夕知何夕花然錦帳中自能當雪暖那肯待春紅囊
裏排金粟釵頭綴玉蟲更煩將喜事來報主人公

奉和兵部張侍郎酬鄆州馬尚書祗召途中見寄

開緘之日馬帥已再領鄆州之作

來朝當路日承詔改轅時再領須句國仍遷少昊司暖
風抽宿麥清雨卷歸旗賴寄新珠玉長吟慰我思

送桂州嚴大夫

蒼蒼森八桂茲地在湘南江作青羅帶山如碧玉簪戶
多輸翠羽家自種黃甘遠勝登仙去飛鸞不假驂

奉和僕射裴相公感恩言志

文武成功後居為百辟師林園窮勝事鐘鼓樂清時擺

落遺高論雕鐫出小詩自然無不可一作誰范蠡爾其

和僕射相公朝迴見寄

盡瘁年將久公今始暫閒事隨憂共減詩與酒俱還放
意機衡外收身矢石間秋臺風日迴正好看前山

又魚招張公曹

又魚春岸濶此興在中宵大炬然如晝長船縛似橋深
窺沙可數靜撈水無搖刃下那能脫波間或自跳中鱗
憐錦碎當日訝珠銷迷火逃翻近驚人去暫遙競多心

轉細得雋語時囀潭螭知存寡舫平覺獲饒交頭疑湊
餌駢首類同條濡沫情雖密登門事已遼盈車欺故事
飼犬驗今朝血浪凝猶沸腥風遠更飄葢江烟冪冪拂
棹影寥寥獺去愁無食龍移懼見燒如棠名既誤釣渭
日徒消文客驚先賦篙工喜盡謠膾成思我友觀樂憶
吾僚自可捐憂累何須強問鴉

和席八十二韻

絳闕銀河曙東風右掖春官隨名共美花與思俱新綺

陌朝遊間綾衾夜直頻橫門開日月高閣切星辰庭變
寒前草天銷霽後塵溝聲通苑急柳色壓城勻綸綽謀
猷盛丹青步武親芳菲含斧藻光景暢形神傍砌看紅
藥巡池詠白蘋多情懷酒伴餘事作詩人倚玉難藏拙
吹竽久混真坐慙空自老江海未還身

送鄭尚書赴南海

番禺軍府盛欲說暫停杯蓋海旂幢出連天觀閣開衙
時龍戶集上日馬人來風靜鷄鵠去官廉蚌蛤迴貨通

師子國樂秦武王臺事事皆殊異無嫌屈大才

答張十一功曹

山淨江空水見沙哀猿啼處兩三家
篴簫競長纖纖笋
躑躅閒開艷艷花
未報恩波知死所
莫令炎瘴送生涯
吟君詩罷看雙鬢
斗覺霜毛一半加

奉和庫部盧四兄曹長元日朝迴

天仗宵嚴建羽旄
春雲送色曉雞號
金鑪香動螭頭暗
玉佩聲來雉尾高
戎服上趨承北極
儒冠列侍映東曹

太平時節難身遇郎署何須歎二毛

戲題牡丹

幸自同開俱隱約何須相倚鬪輕盈
陵晨併作新妝面對客偏含不語情
雙燕無機還拂掠遊蜂多思正經營

長年是事皆拋盡今日欄邊暫眼明

段成式酉陽雜俎云前史無說牡丹

者惟謝康樂集中言竹間水際多牡丹成式檢隋朝種植法初不說牡丹則知隋朝花藥中所無也開元末裴士淹奉使回至汾州得白牡丹一窠植于長興私第至德中馬僕射領太原又得紅紫二色者移於城中元和初猶少今與戎葵角多少矣

晉公破賊回重拜台司以詩示幕中賓客愈奉和
南伐旋師太華東天書夜到冊元功將軍舊壓三司貴
相國新兼五等宗鵷鷺欲歸仙仗裏熊羆還入禁營中
長慙典午非材職得就閒官即至公

左遷至藍關示姪孫湘

一封朝奏九重天夕貶潮陽路八千欲為聖明除弊事
肯將衰朽惜殘年雲橫秦嶺家何在雪擁藍關馬不前
知汝遠來應有意好收吾骨瘴江邊

韶州留別張端公使君

來往再逢梅柳新別離一醉綺羅春
久欽江總文才妙自歎虞翻骨相屯
鳴笛急吹爭落日清歌緩送款行人
已知奏課當徵拜那復淹留詠白蘋

酒中留上襄陽李相公

濁水汙泥清路塵還曾同制掌絲綸
眼穿長訝雙魚斷耳熱何辭數爵頻
銀燭未消憲送曙金釵半醉座添春
知公不久歸釣軸應許閒官寄病身

竹洞

竹洞何年有公初斫竹開洞門無鎖鑰俗客不曾來

渚亭

自有人知處那無步往蹤莫教安四壁面面看芙蓉

花島

蜂蝶去紛紛香風隔岸聞欲知花島處水上覓紅雲

北樓

郡樓乘曉上盡日不能迴晚色將秋至長風送月來

贈同遊

喚起窻前曙催歸日未西無心花裏鳥更與盡情啼

題楚昭王廟

丘墳滿目衣冠盡城闕連雲草樹荒猶有國人懷舊德
一間茅屋祭昭王

題木居士

火透波穿不計春根如頭面榦如身偶然題作木居士
便有無窮求福人

盆池

老翁真箇似童兒汲水埋盆作小池一夜青蛙鳴到曉
恰如方口釣魚時

莫道盆池作不成藕梢初種已齊生從今有雨君須記
來聽蕭蕭打葉聲

瓦沼晨朝水自清小蟲無數不知名忽然分散無蹤影
惟有魚兒作隊行

池光天影共青青拍岸纔添水數鉾且待夜深明月去

試看涵泳幾多星

賽神

白布長衫紫領巾
差科未動是閒人
麥苗含穰桑生椹
共向田頭樂社神

晚春

草樹知春不久歸
百般紅紫鬪芳菲
楊花榆莢無才思
惟解漫天作雪飛

落花

已分將身著地飛那羞踐蹋損光暉無端又被春風誤
吹落西家不得歸

贈張十八助教

喜君眸子重清朗攜手城南歷舊遊忽見孟生題竹處
相看淚落不能收

晚雨

廉纖晚雨不能晴池岸草間蚯蚓鳴投竿跨馬蹋歸路
纔到城門打鼓聲

出城

暫出城門踏青草遠於林下見春山應須韋杜家家到
祇有今朝一日閒

和李司勳過連昌宮

夾道疎槐出老根高甍巨棟壓山原宮前遺老來相問
今是開元幾葉孫

次潼關先寄張十二閣老使君

荆山已去華山來日出潼關四扇開刺史莫辭迎候遠

相公親破蔡州迴

桃林夜賀晉公

西來騎火照山紅
夜宿桃林臘月中
手把命珪兼相印
一時重疊賞元功

答道士寄樹雞

樹雞木耳之大者

軟濕青黃狀可猜
欲烹還喚木盤迴
煩君自入華陽洞

直割乖龍左耳來

柳子厚龍城錄茅山道士吳綽採藥于華陽洞口見一小兒手把三珠戲

于松下綽從之奔入洞中化為龍以三珠填左耳中綽以藥斧斲之落左耳而三珠已失所在又馮贄雲仙錄

天罰中龍
必割其耳

題臨瀧寺

不覺離家已五千
仍將衰病入瀧船
潮陽未到吾能說
海氣昏昏水拍天

晚次宣溪辱韶州張端公使君惠書叙別酬以絕句

韶州南去接宣溪
雲水蒼茫日向西
客淚數行元自落
鷓鴣休傍耳邊啼

遊西林寺題蕭二兄郎中舊堂

中郎有女能傳業伯道無兒可保家偶到匡山曾住處

幾行衰淚落烟霞

蕭二郎中名存字伯誠穎士之子與公兄會梁肅友善惡裴延齡之為人

棄官歸廬山公自少為存所知及自袁州還過存廬山故居而存諸子前死有一女為尼公為經紀其家西林即江州廬山寺也今猶有蕭存魏弘李勃同遊大林題名

夕次壽陽驛題吳郎中詩後

風光欲動別長安春半邊城特地寒不見園花兼巷柳
馬頭惟有月團團

鎮州初歸

別來楊柳街頭樹擺弄春風只欲飛還有小園桃李在
留花不發待郎歸

同水部張員外曲江春遊寄白二十二舍人

漠漠輕陰晚自開青天白日映樓臺曲江水滿花千樹
有底忙時不肯來

早春呈水部張十八員外

天街小雨潤如酥草色遙看近却無最是一年春好處

絕勝烟柳滿皇都

莫道官忙身老大
即無年少逐春心
憑君先到江頭看
柳色如今深未深

御定全唐詩錄卷四十九

欽定四庫全書

御定全唐詩錄卷五十

孟郊

郊字東野湖州武康人少隱嵩山性耿介五十登
進士第為溧陽尉日賦詩曹務多廢令白府以他
尉代之分其半俸鄭餘慶奏為叅謀卒諡為貞曜
先生韓愈甚稱其詩

李翱云郊詩高處在古無上平處猶下顧沈謝

嚴滄浪云孟郊之詩刻苦其格律句法可以見矣
讀之令人不歡

元武康令國材序東野詩云武康代產文士惟沈
約孟東野以詩名家約仕宋仕齊二代宋元之末
探西邸密意詔書出袖中夙備無遺缺然則平時
用工豈其性情哉視東野之行吟谿曲泊無官情
奪俸十年不愠一寒到死不隨逐酒鑪餅肆間媚
匪人者其相去何如也今武康保有孟保并有孟

井人亡物改竹幽水深過之清風爽然使人脫灑
於世味之外

古體詩

列女操

梧桐相待老鴛鴦會雙死貞婦貴狗夫捨生亦如此波
瀾誓不起妾心井中水

灞上輕薄行

長安無緩步況值天景莫相逢灞澹間親戚不相顧自

歎方拙身忽隨輕薄倫常恐失所避化為車轍塵此中
生白髮疾走亦未歇

長安羈旅行

十日一理髮每梳飛旅塵三旬九過飲每食唯舊貧萬
物皆及時獨余不覺春失名誰肯訪得意爭相親直木
有怯翼靜流無躁鱗始知喧競場莫處君子身野策藤
竹輕山疏薇蕨新潛歌歸去來事外風景真

長安道

胡風激秦樹賤子風中泣家家朱門開得見不可入長
安十二衢投樹鳥亦急高閣何人家笙簧正喧呶

送遠吟

河水昏復晨河邊相送頻離杯有淚飲別柳無枝春一
笑忽然斂萬愁俄已新東波與西日不惜遠行人

古薄命妾

不惜十指絃為君千萬彈常恐新聲至坐使故聲殘棄
置今日悲即是昨日歡將新變故易持故為新難青山

有薜蘿淚葉長不乾空令後代人采掇幽思攢

古樂府雜怨

憶人莫至悲至悲空自衰寄人莫剪衣剪衣未必歸朝
為雙蒂花暮為四散飛花落却繞樹遊子不顧期

天桃花清晨遊女紅粉新天桃花薄暮遊女紅粉故樹
有百年花人無一定顏花送人老盡人悲花自閒

貧女鏡不明寒花日少容暗蛩有虛織短線無長縫浪
水不可照狂夫不可從浪水多散影狂夫多異蹤持此

一生薄空成萬恨濃

靜女吟

艷女皆妒色靜女獨檢蹤任禮恥任妝嫁德不嫁容君
子易求聘小人難自從此志誰與諒琴絃幽韻重

遊子吟

慈母手中線遊子身上衣臨行密密縫意恐遲遲歸誰
言寸草心報得三春暉

古怨

試妾與君淚兩處滴池水看取芙蓉花今年為誰死

結愛

心心復心心結愛務在深一度欲離別千迴結衣襟結
妾獨守志結君早歸意始知結衣裳不如結心腸坐結
行亦結結盡百年月

巫山高

見盡數萬里不聞三聲猿但飛蕭蕭雨中有亭亭魂千
載楚襄恨遺文宋玉言至今晴明天雲結深閨門

車遙遙

路喜到江盡江上又通舟
舟車兩無阻何處不得遊
丈夫四方志女子安可留
郎自別日言無令生遠愁
旅雁忽叫月斷猿寒啼秋
此夕夢君夢君在百城樓
寄淚無因波寄恨無因轉
願為馭者手與郎迴馬頭

征婦怨

良人昨日去明月又不圓
別時各有淚零落青樓前
君淚濡羅巾妾淚滿路塵
羅巾長在手今得隨妾身
路

塵如得風得上君車輪

漁陽千里道近如中門限中門踰有時漁陽長在眼
生在綠羅下不識漁陽道良人自戍來夜夜夢中到

古別離

欲別牽郎衣郎今到何處不恨歸來遲莫向臨邛去

織女辭

夫是田中郎妾是田中女當年嫁得君為君秉機杼筋
力日已疲不息牕下機如何織紵素自著藍縷衣官家

勝村路更索栽桑樹

古意

蕩子守邊戍佳人莫相從去來年月多苦愁改形容上
山復下山踏草成古蹤徒言采薜蘿十度一不逢鑒獨
是明月識志唯寒松井桃始開花一見悲萬重人顏不
再春桃色有再濃指氣入空房無慘乍從容啟帖理針
線非獨學裁縫手持未染綵繡為白芙蓉芙蓉無染污
將以表心素欲寄未歸人當春無信去無信反增愁愁

心緣隴頭願君如隴水水鏡水還流宛宛青絲線纖纖
白玉鈎玉鈎不虧缺青絲無斷絕迴還勝雙手解盡心
中結

折楊柳

楊柳多短枝短枝多別離贈遠屢攀折柔條安得垂青
春有定節離別無定時但恐人別促不怨來遲遲莫言
短枝條中有長相思朱顏與綠楊併在別離期

古怨別

颯颯秋風生愁人怨離別含情兩相向欲語氣先咽心
曲千萬端悲來却難說別後唯所思天涯共明月

古別曲

山川古今路縱橫無斷絕來往天地間人皆有離別行
衣未束帶中腸已先結不用看鏡中自知生白髮欲陳
去留意聲向言前咽愁結填心胃茫茫若為說荒郊烟
莽蒼曠野風淒切處處得相隨人那不如月

戲贈陸大夫十二丈

蓮子不可得荷花生水中猶勝道傍柳無事蕩春風
淥萍與荷葉同此一水中風吹荷葉在淥萍西復東
蓮葉未開時苦心終日卷春水徒蕩漾荷花未開展

勸善吟

醉會中贈
郭行餘

瘦郭有志氣相哀老龍鍾勸我少吟詩俗窄難爾容一
口百味別況在醉會中四座正當喧片言何由通顧余
昧時調居止多疎慵見書眼始開聞樂耳不聰視聽互
相隔一身且莫同天疾難自醫詩癖將何攻見君如見

書語善千萬重自悲咄咄感變作煩惱翁煩惱不可欺
古劍澀亦雄知君方少年少年懷古風藏書挂屋脊不
借與凡聾我願拜少年師之學崇崇從他笑為矯矯善
亦可宗

審交

種樹須擇地惡土變木根結交若失人中道生謗言君
子芳桂性春榮冬更繁小人槿花心朝在夕不存莫躡
冬冰堅中有潛浪翻唯當金石交可以賢達論

怨別

一別一迴老志士白髮早在富易為容居貧難自好沈
憂損性靈服藥亦枯槁秋風遊子衣落日行遠道君問
去何之賤身難自保

百憂

萱草女兒花不解壯士憂壯士心是劍為君射斗牛朝
思除國讎莫思除國讐計盡山河畫意窮草木籌智士
日千慮愚夫唯四愁何必在波濤然後驚沈浮伯倫心

不醉四皓迹難留出處各有時衆議徒啾啾

獨愁

前日遠別離昨日生白髮欲知萬里情曉卧半牀月常
恐百蟲鳴使我芳草歇

勸學

擊石乃有火不擊元無烟人學始知道不學非自然萬
事須已運他得非我賢青春須早為豈能長少年

長安早春

旭日朱樓光東風不驚塵公子醉未起美人爭探春探
春不為桑探春不為麥日日出西園祇望花柳色乃知
田家春不入五侯宅

感興

拔心草不死去根柳亦榮獨有失意人恍然無力行昔
為連理枝今為斷絃聲連理時所重斷絃今所輕吾欲
進孤舟三峽水不平吾欲載車馬太行路崢嶸萬物根
一氣如何互相傾

感懷

秋氣悲萬物驚風振長道登高有所思寒雨傷百草平生有親愛零落不相保五情今已傷安得自能老

晨登洛陽坂目極天茫茫羣物歸大化六龍顏西荒豺狼日已多草木日已霜饑年無遺粟衆鳥去空場路傍誰家子白首離故鄉含酸望松柏仰面訴穹蒼去去勿復道苦飢形貌傷

徘徊不能寐耿耿含酸辛中夜登高樓憶我舊星辰四

時不遷移萬物何時春唯憶首陽路永謝當時人

長安佳麗地宮月生蛾眉陰氣凝萬里坐看芳草衰玉
堂有玄鳥亦以從此辭傷哉志士歎故國多遲遲深宮
豈無樂擾擾復何為朝見名與利莫還生是非姜牙佐
周武世業永巍巍

舉才天道親首陽誰采薇去去荒澤遠落日當西歸羲
和駐其輪四海借餘暉極目何蕭條驚風正離披鳴鵠
鳴高樹衆鳥相因依東方有一士歲莫常苦飢主人數

相問脈脈今何為貧賤亦有樂且願掩柴扉

河梁莫相遇草草不復言漢家正離亂王粲別荆蠻野
澤何蕭條悲風振空山舉頭是星辰念我何時還親愛
久別散形神各離遷未為死生訣長在心目間

勸酒

白日無定影清江無定波人無百年壽百年復如何堂
上陳美酒堂下列清歌勸君金曲卮勿謂朱顏酡松柏
歲歲茂丘陵日日多君看終南山千古青我我

去婦

君心匣中鏡一破不復全妾心藕中絲雖斷猶牽連安
知御輪士今日翻迴轅一女事一夫安可再移天君聽
去鶴言哀哀七絲絃

聞砧

杜鵑聲不哀斷猿啼不切月下誰家砧一聲腸一絕杵
聲不為客客聞髮自白杵聲不為衣欲令遊子歸

自歎

愁與髮相形一愁白數莖有髮能幾多禁愁日日生古
若不置兵天下無戰爭古若不置名道路無欵傾太行
聳巍我是天產不平黃河奔濁浪是天生不清四蹄日
日多雙輪日日成二物不在天安能免營營

病客吟

主人夜呻吟皆入妻子心遠客晝呻吟徒為蟲鳥音妻
子手中病愁思不復深僮僕手中病憂危獨難任丈夫
久漂泊神氣自然沈沉於滯疾中何人免噓歔大海亦

有涯高山亦有岑沈憂獨無極塵淚互盈襟

教坊歌兒

十歲小小兒能歌得聞天六十孤老人能詩獨臨川去
年西京寺衆伶集講筵能嘶竹枝詞供養繩牀禪能詩
不如歌悵望三百篇

落第

曉月難為光愁人難為腸誰言春物榮宜見葉上霜鵬
鶚失勢病鷁鷁假翼翔棄置復棄置置情如刀及傷

下第東歸留別長安知己

共照日月影獨為愁思人
豈知鷓鴣鳴瑤草不得春
一片兩片雲千里萬里身
雲歸嵩之陽身寄江之濱
棄置復何道楚情吟白蘋

乙酉歲舍弟扶侍歸義興莊居後獨止舍待替人
誰言舊居止主人忽成客
僮僕強與言相懼終脈脈
出亦何所求入亦何所索
飲食迷精麤衣裳失寬窄
迴風卷閒簾新月生空壁
士有百役身官無一姓宅
丈夫恥

自飾衰鬢從颯白蘭交早已謝榆景從相迫惟予心中
鏡不語光歷歷

秋懷

孤骨夜難卧吟蟲相唧唧老泣無涕洟秋露為滴瀝去
壯暫如翦來衰紛似織觸緒無新心叢悲有餘憶詎忍
逐南帆江山踐往昔

秋月顏色冰老客志氣單冷露滴夢破峭風梳骨寒席
上印病文腸中轉愁盤疑懷無所憑虛聽多無端梧桐

枯嶢嶢聲響如哀彈

秋至老更貧破屋無門扉一片月落牀四壁風入衣疎
夢不復遠弱心良易歸商葩將去綠繚繞爭餘輝野步
踏事少病謀向物違幽幽草根蟲生意與我微

竹風相戛語幽閨暗中聞鬼神滿衰聽恍惚難自分商
葉隨乾雨秋衣卧單雲病骨可剗物酸呻亦成文瘦攢
如此枯壯落隨西曛裊裊一線命徒言繫細縕

與二三友秋宵會話清上人院

何處山不幽此中情又別一僧敲一磬七子吟秋月激
石泉韻清寄枝風嘯咽冷然諸境靜頓覺浮累滅扣寂
兼探真通宵詎能輟

招文士飲

曹劉不免死誰敢負年華文士莫辭酒詩人命屬花退
之如放逐李白自矜夸萬古忽將似一朝同歎嗟何言
天道正獨使地形斜南士愁多病北人悲去家梅芳已
流管柳色未藏鴟相勸罷吟雪相從愁飲霞醒時不可

過愁海浩無涯

遊終南龍池寺

飛鳥不到處僧房終南巔龍在水長碧雨開山更鮮步
出白日上坐依清溪邊地寒松桂短石險道路偏晚磬
送歸客數聲落遙天

遊終南山

南山塞天地日月石上生高峯夜留景深谷晝未明山
中人自正路險心亦平長風驅松柏聲拂萬壑清到此

悔讀書朝朝近浮名

遊華山雲臺觀

華嶽獨靈異草木恒新鮮
山盡五色石水無一色泉
仙酒不醉人仙芝皆延年
夜聞明星館時韻女蘿絃
敬茲不能寐焚柏吟道篇

石淙

百尺明鏡流千曲寒星飛為君洗故物
有色如新衣不飲泥土污但飲雪霜飢
石稜玉纖纖草色瓊霏霏谷嶮

有飲力溪春亦多機從來一智萌能使衆利歸因之山
水中喧然論是非

昔浮南渡風令攀朔山景物色多瘦削吟笑還孤永日
月凍有稜雪霜空無影玉噴不生冰瑤渦旋成井潛角
時聳光隱鱗乍漂回再吟獲新勝返步失前省愜懷雖
已多惕慮未能整頽陽落何處昇魄銜疎嶺

越中山水

日覺耳目勝我來山水州蓬瀛若髣髴田野如泛浮碧

嶂幾千繞清泉萬餘流莫窮合沓步孰盡派別遊越水
淨難污越天陰易收氣鮮無隱物目視遠更周舉俗媚
葱蒨連冬擷芳柔菱湖有餘翠茗圃無荒疇賞異忽已
遠探奇誠淹留永言終南色去矣銷人憂

汝州南潭陪陸中丞公讌

一雨百泉漲南潭夜來深分明碧沙底寫出青天心遠
客洞庭至因茲滌煩襟既登飛雲舫願奏清風琴高岸
立旗戟潛蛟失浮沈威稜護斯浸魍魎逃所侵山態變

初霽水聲流新音耳目極眺聽潺湲與嶽岑誰言柳太
守空有白蘋吟

汝州陸中丞席喜張從事至同賦十韻

汝水無濁波汝山饒竒石大賢為此郡佳士來如積有
客乘白駒奉義愜所適清風蕩華館雅瑟泛瑤席芳醕
靜無喧金樽光有滌縱情孰慮損聽論自招益願折若
木枝却彼曜靈夕貴賤一相接憂悰忽轉易會合勿言
輕別離古來惜請君駐征車良遇難再覩

遊石龍渦

四壁千仞
散泉如雨

石龍不見形石雨如散星山下晴皎皎山中陰泠泠水
飛林木杪珠綴莓苔屏蓄異物皆別當晨景欲暝泉芳
春氣碧松月寒色青險力此獨壯猛獸亦不停日莫且
迴去浮心恨未寧

遊枋口

一步復一步出行千里幽為取山水意故作寂寞遊太
行青巔高枋口碧照浮明明無底鏡泛泛忘機鷗老逸

不自限病狂不可周
恣閒饒淡薄怠玩多淹留
芳物競晚晚綠梢挂新
柔和友鶯相遶言語亦似稠
始知萬類然靜躁難相求

蘇州崑山惠聚寺僧房

昨日到上方
片雲挂石牀
錫杖莓苔青
袈裟松柏香
晴磬無短韻
古燈含永光
有時乞鶴歸
還訪逍遙場

寒溪

曉飲一杯酒
踏雪過清溪
波瀾凍為刀
剗割鳬與鷺
宿

羽皆剪棄血聲沈沙泥獨立欲何語默念心酸嘶凍血
莫作春作春生不齊凍血莫作花作花發孀啼幽幽棘
針村凍死難耕犁

立德新居

疎門不掩水洛色寒更高曉碧流視聽夕清濯衣袍為
於仁義得未覺登陟勞遠岸雪難暮勁枝風易號霜禽
各嘯侶吾亦愛吾曹

西上經靈寶觀

觀即尹真人舊宅

道士無白髮語音靈泉青青松多壽色白石恒夜明放
步霽霞起振衣華風生真丈秘中頂寶氣浮四楹一片
古關路萬里今人行上仙不可見驅策徒西征

獨宿峴首憶長安故人

月迴無隱物況復大江秋江城與沙村人語風颼颼峴
亭當此時故人不同遊故人在長安亦可將夢求

過分水嶺

山壯馬力短路行石齒中十步九舉轡迴環失西東溪

水變為雨懸崖陰濛濛客衣飄飄秋葛花零落風白日
捨我沒征途忽然窮

分水嶺別夜示從弟寂

南中少平地山水重疊生別泉萬餘曲迷舟獨難行四
際亂峯合一眺千慮并潺湲冬夏冷光彩晝夜明賞心
難久勝離腸忽自驚古木搖霽色高風動秋聲飲爾一
樽酒慰我百憂輕嘉期何處定此晨堪寄情

連州吟

春風朝夕起吹綠日日深試為連州吟淚下不可禁連
山何連連連天碧岑岑哀猿哭花死子規裂客心蘭芷
結新佩瀟湘遺舊音怨聲能剪絃坐撫零落琴

朝亦連州吟暮亦連州吟連州果有信一紙萬里心開
緘白雲斷明月墮衣襟南風嘶舜琯苦竹動猿音萬里
愁一色瀟湘雨淫淫兩劍忽相觸雙蛟恣浮沈關水正
迴幹倒流安可禁空愁江海信驚浪隔相尋

贈崔純亮

食齋腸亦苦強歌聲無歡出門即有礙誰謂天地寬有礙非遐方長安大道傍小人智慮險平地生太行鏡破不改光蘭死不改香始知君子心交久道益彰君心與我懷離別俱迴遑譬如浸蘖泉流苦來日長忍泣目易衰忍憂形易傷項籍非不壯賈生非不良當其失意時涕泗各沾裳古人勸加餐此餐難自強一飯九祝噎一嗟十斷腸況是兒女怨怨氣凌彼蒼彼蒼若有知白日下清霜今朝始驚歎碧落空茫茫

贈李觀

觀初登第

誰言形影親燈滅影去身誰言魚水歡水竭魚枯鱗昔
為同恨客今為獨笑人捨予在泥轍飄跡上雲津卧木
易成蠹棄花難再春何言對芳景愁望極蕭晨埋劍誰
識氣匣絃日生塵願君語高風為余問蒼旻

抒情因上郎中二十二叔監察十五叔兼呈李益

端公柳續評事

方憑指下絃寫出心中言寸草賤子命高山主人恩遊

邊風沙意夢楚波濤魂一日引別袂九迴沾淚痕自悲
何以然在禮闕晨昏名利時轉甚是非宵亦喧浮情少
定主百慮隨世翻舉此胃臆恨幸從賢哲論明明三飛
鸞照物如朝暾

贈主人

斗水瀉大海不如瀉枯池分明賢達交豈顧豪華兒海
有不足流豪有不足資枯鱗易為水貧士易為施幸覩
君子席會將幽賤期側聞清風議飫如黃金卮此道與

日月同光無盡時

贈韓郎中愈

何以定交契贈君高山石何以保貞堅贈君青松色貧
居過此外無可相彩飾聞君碩鼠詩吟之淚空滴

碩鼠既穿墉又噬機上絲穿墉有閒土噬絲無餘衣朝
吟枯桑柘莫泣穿杼機豈是無巧妙絲斷將何施衆人
尚肥華志士多飢羸願君保此節天意當察微前日遠
別離今日生白髮欲知萬里情曉卧半床月常恐百蟲

秋使我芳草歇

春夜憶蕭子真

半夜不成寐燈盡又無月獨向堦前立子規啼不歇況
我有金蘭忽爾為胡越爭得明鏡中久長無白髮

宿空姪院寄澹公

夜坐冷竹聲二三高人語燈窻看律鈔小師別為侶雪
簷晴滴滴茗椀華舉舉聲音多風颭聲韻聞江楚官街
不相隔詩思空愁予明日策杖歸去住兩延佇

答韓愈李觀別因獻張徐州

富別愁在顏貧別愁銷骨懶磨舊銅鏡畏見新白髮古
樹春無花子規啼有血離弦不堪聽一聽四五絕世途
非一險俗慮有千結有客步大方驅車獨迷轍故人韓
與李逸翰雙皎潔哀我摧折歸贈詞縱橫設徐方國東
樞元戎天下傑襦生投刺遊王粲吟詩謁高情無遺照
朗抱開曉月有土不埋冤有讐皆為雪願為直草木永
向君地列願為古琴瑟永向君聽發欲識丈夫心曾將

孤劍說

汝濱蒙從弟楚材見贈時郊將入秦楚材適楚

朝為主人心夕作行客吟
汝水忽淒咽汝風流苦音
北闕秦門高南路楚石深
分淚灑白日離腸繞青岑
何以寄遠懷黃鶴能相尋

送從弟郢東歸

爾去東南夜我無西北夢
誰言貧別易貧別愁更重
曉色奪明月征人逐羣動
秋風楚濤高旅榜將誰共

送曉公歸庭山

庭山何崎嶇寺路緣翠微秋霽山盡出日落人獨歸雲
生高高步泉灑田田衣枯巢無還羽新木有爭飛茲焉
不可繼夢寐空清輝

送豆盧策歸別墅

短松鶴不巢高石雲始棲君今瀟湘去意與雲鶴齊力
買奇險地手開清淺溪身披薜荔衣山陟莓苔梯一卷
冰雪文避俗常自攜

送蕭鍊師入四明山

閒於獨鶴心大於高松年迴出萬物表高樓四明巔千
尋直裂峯百尺倒瀉泉絳雪為我飯白雲為我田靜言
不語俗靈蹤時步天

送淡公

燕本冰雪骨越淡蓮花風五言雙寶刀聯響高飛鴻翰
苑錢舍人詩韻鏗雷公識本未識淡仰詠嗟無窮清恨
生物表朗玉傾夢中常於冷竹坐相語道意沖嵩洛興

不薄稽江事難同明年若不來我作黃蒿翁何以兀其
心為君學虛空

銅斗飲江酒手拍銅斗歌儂是拍浪兒飲則拜浪婆脚
踏小船頭獨速舞短蓑笑伊漁陽操空恃文章多閒倚
青竹竿白日奈我何

短蓑不怕雨白鷺相爭飛短楫畫荻蒲關作豪橫歸笑
伊水健兒浪戰求光輝不如竹枝弓射鴨無是非

射鴨復射鴨鴨驚荻蒲頭鴛鴦亦零落彩色難相求儂

是清浪兒每踏清浪遊笑伊鄉貢郎踏土稱風流如何
艸角翁至死不裹頭

鄉在越鏡中分明見歸心鏡芳步步綠鏡水日日深異
刹碧天上古香清桂岑朗約徒在昔章句忽盈今幸因
西飛葉書作東風吟落我病枕上慰此浮恨侵

與韓愈李翱張籍話別

朱絃奏離別華燈少光輝物色豈知異人心顧將違客
程殊未已歲華忽然微秋桐故葉下寒露新雁飛遠遊

起重恨送人念先歸夜集類飢鳥晨光失相依馬迹遶
川水雁書還閨闈常恐親朋阻獨行知慮非

蜘蛛諷

萬類皆有性各各稟天和蠶身與汝身汝身何太訛蠶
身不為已汝身不為他蠶絲為衣裳汝絲為網羅濟物
幾無功害物日已多百蟲雖切恨其將奈爾何

聽琴

颼颼微雨收翻翻橡葉鳴月沈亂峰西寥落三四星前

溪忽調琴隔林寒琤琤聞彈正弄聲不敢枕上聽迴燭
整頭簪漱泉立中庭定步履齒深貌禪目冥冥微風吹
衣襟亦認宮徵聲學道三十年未免憂死生聞彈一夜
中會盡天地情

憩淮上觀公法堂

動覺日月短靜知時歲長自悲道路人暫宿空閒堂孤
燭讓清晝紗巾斂輝光高僧積素行事外無剛強我有
巖下桂願為爐中香不惜青翠姿為君揚芬芳淮水色

不污汙流徒渾黃且將琉璃意淨綴芙蓉章明日還獨
行羈愁來舊腸

弔元魯山

搏鷲有餘飽魯山長飢空豪人飫鮮肥魯山飯蒿蓬食
名皆霸官食力乃堯農君子恥新態魯山與古終天璞
本平一人巧生異同魯山不自剖全璞竟沒躬

哭李觀

志士不得老多為直氣傷阮公終日哭壽命固難長顏

子既殂謝孔門無輝光文星落奇曜寶劍摧修鉉常作
金應石忽為宮別商為爾弔琴瑟斷絃難再張偏轂不
可轉隻翼不可翔清塵無吹噓委地難飛揚此義古所
重此風今則亡自聞喪元賓一日八九狂沈痛此丈夫
驚呼彼穹蒼我有出俗韻勞君疾惡腸知音既已矣微
言誰能彰旅葬無高墳栽松不成行哀歌動寒日贈淚
沾晨霜神理本窅窅今來更茫茫何以蕩悲懷萬事付

一觴

李少府廳弔李元賓遺字

零落三四字忽成千萬年
那知冥冥客不有補亡篇
斜月弔空壁旅人難獨眠
一生能幾時百慮來相煎
戚戚故交淚幽幽長夜泉
已矣難重言一言一潸然

悼吳興湯衡評事

君生雪水清君沒雪水渾
空令骨肉情哭得白日昏
大夜不復曉古松長閉門
琴弦綠水絕詩句青山存
昔為芳春顏今為荒草根
獨問冥冥理先儒未曾言

哀孟雲卿嵩陽荒居

戚戚抱幽獨，晏晏沈荒居。不聞新歡笑，但覩舊詩書。藝
蘖意彌苦，耕山食無餘。定交昔何在，至戚今或疎。薄俗
易銷歇，淳風難久舒。秋蕪上空堂，寒槿落枯渠。葺草恐
傷蕙，攝衣自理鋤。殘芳亦可餌，遺秀誰忍除。徘徊未能
去，為爾涕漣如。

覽崔爽遺文因紓幽懷

崔君沒
于南方

墮淚數首文，悲結千里墳。蒼旻且留我，白日空遺君。仙

鶴未巢月衰鳳先墜雲清風獨起時舊語如再聞瑤草
罷歲蕤桂花休氛氲萬物與我心相感吳江濱

峽哀

上天下天水出地入地舟石劍相劈斫石波怒蛟虬花
木疊宿春風飈凝古秋幽怪窟穴語飛聞肝蠻流沈哀
日已深銜訴將何求

三峽一線天三峽萬繩泉上仄碎日月下掣狂漪連破
魂一兩點凝幽數百年峽暉不停午峽險多飢涎樹根

鎖枯棺孤骨裏裏懸樹枝哭霜棲哀韻杳杳鮮逐客零
落腸到此湯火煎性命如紡績道路隨索緣真淚弔波
靈波靈將閃然

杏殤并序

杏殤花乳也霜翦而落因悲昔嬰故作是詩

凍手莫弄珠弄珠珠易飛驚霜莫剪春剪春無光輝零
落小花乳爛斑昔嬰衣拾之不盈把日莫空悲歸

弔盧殷

唧唧復唧唧千古一月色新新復新新千古一花春
邛風憶孟郊嵩秋葬盧殷北邙前後客相弔為埃塵
北邙棘針草淚根生苦辛烟火不自煖筋力早已貧
幽薦一杯泣瀉之清洛濱添為斷腸聲愁殺長別人

出門行

海風蕭蕭天雨霜窮愁獨坐夜何長驅車舊憶太行險
始知遊子悲故鄉美人相思隔天闕長望雲端不可越
手持琅玕欲有贈愛而不見心斷絕南山嵯嵯白石爛

碧海之波浩漫漫參辰出沒不相待我欲橫天無羽翰

臨池曲

池中春蒲葉如帶紫菱成角蓮子大羅裙蟬鬢寄迎風
雙雙伯勞飛向東

嬋娟篇

花嬋娟泛春泉竹嬋娟籠曉烟妓嬋娟不長妍月嬋娟
真可憐夜半姮娥朝太乙人間本自無靈匹漢宮承寵
不多時飛燕婕妤相妒嫉

望夫石

望夫石夫不來兮江水碧行人悠悠朝與暮千年萬年
色如故

夷門雪贈主人

夷門貧士空吟雪夷門豪士皆飲酒酒聲歡閒入雪銷
雪聲激切悲枯朽悲歡不同歸去來萬里春風動江柳
傷春

兩河春草海水清十年征戰城郭腥亂兵殺兒將女去

二月三月花冥冥千里無人旋風起鶯啼燕語荒城裏
春色不揀墓傍枝紅顏皓色逐春去春來那得知
令人看花古人墓令人惆悵山頭路

登科後

昔日齷齪不足誇今朝放蕩思無涯春風得意馬蹄疾
一日看盡長安花

濟源寒食

一日踏春一百迴朝朝沒脚走芳埃飢童餓馬掃花餽

向晚飲溪三兩杯

莓苔井上空相憶
轆轤索斷無消息
酒人皆倚春髮綠
病叟獨藏秋髮白


近體詩

懷南岳隱士

見說祝融峯擎天勢似騰
藏千尋布水出十八高僧古
路無人跡新霞吐石稜終居
將爾叟一一共余登

千峯映碧湘真叟此中藏
飯不煮石喫眉應似髮長楓

裡榼酒甕鶴蟲落琴牀強效忘機者斯人尚未忘



御定全唐詩錄卷五十